



國家清史編纂委員會・文獻叢刊

清代詩文集彙編



國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 六七一

願學堂詩存二十二卷 邵亨豫撰

一

信美室集一卷 鍾文烝撰

二二七

承恩堂詩集十卷 恩錫撰

二四五

甄祖齋詩鈔一卷 劉銓福撰

三九五

因齋詩存二卷 劉成忠撰

四〇三

秋蟬吟館詩鈔七卷 金和撰

四三三

藤香館詩鈔四卷 藤香館詩續鈔一卷 藤香館詞一卷 薛時雨撰

五五一

嶺上白雲集十二卷 窳翁文鈔四卷 陸懋修撰

七二九

願學堂詩存

光緒甲申冬
月餒于琴川

願學堂詩存序

文章與政事兩途也而夫子曰誦詩三百授之以政必達詩與政實相表裏焉記曰溫柔敦厚詩教也夫子蔽詩以一言曰思無邪即溫柔敦厚之謂也詩以理性情未有性情不理而能詩抑未有性情不理而能爲政者然明論政謂政如農功日夜思之思其始而成其終然則詩與政其源同出於思必無邪而後能用思能用思而後能爲政其道一而已矣少宰汴生邵公繇侍從起家洊躋卿貳出撫秦中及楚南北復入爲宗伯遷冢宰

願學堂詩存序

一

薨於位公宅心醇粹涵養沖夷生平無疾言遽色深得溫柔敦厚之本其爲政洞悉民隱除苛解澆督皖學時值寇亂疏請借浙闡鄉試中額視舊取十之六廣德州分棚試士自公始也在秦中有客將代統援軍衆鼓譟旬旬欲爲變公累疏請易將遂得消息於未形陝甘分闡鄉試擬甘額得四十名公慮其妨陝也援蘇皖分額之例力爭之乃定甘額三十而陝額得如故奉使中州發院司匿災苛斂狀而振卹以行在湖南土匪煽亂公不動聲色剝平之馭歷中外所至有殊績而絕無急功

近名之思雖屢被文致弗辯也公所爲詩悉從真性情中流出其辭昌其神暇其氣沖愉其音調和平蘊藉讀其詩而政可知已然則詩通於政政成於思無邪之旨與溫柔敦厚之教不皆可於公詩得之哉抑又聞公古體詩尙多孫琴西太僕以古體音節未亮請多誦李杜韓蘇以究其變公曰詩以抒寫性情而已性所不近何必貌襲古人以強求其工遂輟古體不作今所存皆近體此固公勇於從諫之虛心然古今體同出一源譬如水在地中鑿井得泉既甘且冽得其源矣恃源以往則願學堂詩存

序

二

穿井井滿穿池池滿任其挹注而莫窮焉有通於此而窒於彼者耶集中存少作送春七古一章清麗芊眠直入古人之室餘皆不存良可惜耳雖然無惜也觀公之詩可以知其政觀公之詩與政可以知其思觀公之近體詎不知其古體之精且博哉公之爲近體也神動天隨稱心而出如庖丁之解牛梓慶之削鐻勾倮丈人之承蜩實有指與物化不以心稽之樂然則詩在是思在是畢生之性情與其文章政事之同源胥在是也伊摯雖不言鼎而和齊之美嘗者諳之輪扁雖不語斤而疾

徐之數巧者言公詩者若第求諸語言文字間其何異求馬於唐肆也夫

光緒十一年歲次乙酉六月中澣平江李元度謹序

願學堂詩存

序

三

諡授光祿大夫頭品頂戴吏部左侍郎邵公墓誌銘

光緒九年六月壬子吏部左侍郎邵公薨於位其明年諸子奉公之喪以歸葬有日矣以公所自定年譜乞銘於余余與公同舉於鄉同成進士同入翰林銘幽之文非後死者之責而誰屬哉按年譜公諱亨豫字汴生姓邵氏江蘇常熟人寄籍順天府宛平縣曾祖淵曾祖妣歸氏以節孝

旌祖同善祖妣錢氏考元章山東東昌府同知妣歸氏張氏自曾祖以下皆以公貴贈光祿大夫妣皆一品夫人

墓誌銘

一

公生於河南開封府東昌公卒公南北奔走幾廢學而其時諸先輩皆知公爲大器厲翼之得無廢道光十九年以太學生應順天鄉試中式副榜又五年中舉人至三十年會試成進士改翰林院庶吉士散館授編修與修

宣宗成皇帝實錄咸豐六年充會試同考試官明年補贊善八年典河南鄉試試畢拜安徽學政之

命安徽學政故駐太平自孫文節公死難後繼之者移駐徽州環徽亦皆賊也公至數月始得舉試事而借浙閩鄉

試之議起浙撫以號舍不敷爲言於是又有請至明年爲安徽特開一科者公曰辜較皖士不過三千人仍與江蘇同考便言於

朝從之又議中額公言皖北人數已逾往年之半而徽甯廣一隅籌備鄉試經費甚鉅皖北之士跋涉可念皖南之士踴躍可嘉乃有

旨視舊額取十之六公旣畢徵試試甯國試廣德廣德之分棚考試自公始也今廣德試院有公生祠云時蘇撫上言安徽撫藩遠在皖北科場事俱歸安徽學政主持公

墓誌銘

二

目閱試卷手治官書自朝至莫無少息其至浙錄送遺才也皖士之倉卒自賊中來者髮猶毳然公亦不詰也榜發後新中舉人應由巡撫給咨公言皖北道路未通其在皖南者請由皖南道詳請學政給咨士皆便之試事畢賊益熾其明年陷涇縣陷績溪徽甯大震時督皖南之師者張公芾也浙撫王公有齡以浙事亟請張援浙而議以公統張之師徵人咸喜公曰徵防軍僅萬二千張公固不能獨行分其半則止六千何以資戰守況餉又不繼行且譁潰吾受

恩深義固不得辭心所不甘者異日謂微禍始我耳已而

朝廷命曾文正公督兩江浙撫所請不果行公崎嶇戎馬

中屢以書抵曾文正及張公言兵事所言有用有不用

而微事已不可爲未幾聞英吉利寇京師

天子幸熱河益感憤遂得疾其年十月以疾乞歸迂道由江西

湖北河南至山東之文登樂其僻遠有終焉之志明年

同治建元

毅皇帝登極

皇太后訓政公曰此內憂外患之時非臣子泉石優游之日也

墓誌銘

三

同治二年開闢至京師卽上疏言吏治宜飭軍旅宜整

招撫宜慎捐納宜核旋補贊善充

顯皇帝實錄協修官大考列二等俄以國子監祭酒視福建學

福建學校之弊爲天下最公以耳目之難周也創爲草

案之法如某縣應進若干名先出草案倍其數以坐號

榜示進而面試之每有正場文字甚優而面試不得一

字者於是考試之弊絕其冒籍匿喪者所在有之知其

事者初不攻訐及其既入學乃發之以求賂賂足則曰

吾懷疑而妄言然事非無因兩置不論公曰事不兩全

果冒籍匿喪耶論如律果誣告耶論如律閩民難治有

司畏之一鄉一村有一學中人悉舉以責焉其族或械

鬪殺人責其縛送其田賦有逋負責其輸納公曰是驅

之爲不肖也持不可公雖職在文衡而閩故多訟訟必

涉學校試卷與訟牒常並閱也及報滿已累遷至內閣

學士會閩撫乞養歸閩士大夫及里巷細民皆言代之

者公也公戀

闕思北歸公配嚴夫人每夜至焚香籲天已而果受代還

朝拜禮部右侍郎權吏部右侍郎旋以倉場侍郎權陝西

墓誌銘

四

巡撫逾年卽眞陝自大亂後各營之兵徵調者多歸伍

者少所存纔十之二而陝於是無兵司庫歲入百六七

十萬而所出浮於入者數十萬陝於是無餉公至三月

賊由鄜州深入犯澄城郃陽距省城百里公飛檄調諸

軍擊之盡殲其類已而楊世俊所部潰於馬營監公慮

其出汧隴入鳳翔將不可制乃命曹提督克忠率師赴

岐山收撫之事乃定而曹所部曰銘軍故劉公銘傳之

兵也曹與劉齟齬軍中不悅其右軍前後兩營先已鼓

噪欲變至是其武毅右營潰陝中大震

朝命將軍穆公穆圖善來公曰穆公於銘軍不相習非弭
變是速變也疏請用遇缺題奏按察使劉公盛藻從之
劉至一軍帖然軍事釐定乃治民事華陰之地有濱黃
河爲河水衝陷者免其糧延榆綏鄜開荒蕪特甚招集
流亡使耕治之秦民舊苦差役之累喇嘛差尤重一喇
嘛入京則自川省從之者不可勝計公議令自四川至
直隸各委員接遞護送而川員勿入京於是附行者始
絕公初至汚萊滿目至是大熟麥一斤直錢十二三而
華州有麥秀五岐之端公又使牧令課民紡織蠶事與

墓誌銘

五

焉光緒元年舉行鄉試陝甘始議分闈總督左公欲定
甘額爲四十公曰若然則部中執舊額相繩而陝額無
幾矣請援乾隆間江蘇安徽分額之例蘇七十二徽四
十八溢於原額者二十一彼分額猶可況分闈乎如此
則於隴有益於秦無損卒從其議定甘額三十而陝額
不減公昔視皖學有借闈之舉則力爲皖士謀至是撫
秦有分闈之議又力爲秦士謀其所至惠及士林類如
此公以衰病乞休屢請乃許之還京師杜門養病者一
載三年秋拜湖北巡撫未發

命偕侍郎崇公崇綺赴河南案事蓋是時河南大旱巡撫李
公慶翱藩司劉公齊銜均爲言者所劾公偕崇公廉問
之劉於災區仍徵收如額而李亦不能察致窮民困於
誅求均不爲無咎疏入李降三級劉免官公遂至鄂鄂
自輪船入長江人咸以爲便公曰江海自茲失其險商
賈自茲失其利南方舟楫北方車馬自茲失其用吾未
見其爲益也吾自中州來見小民無食之苦利民之事
莫大於積穀方議行旋調湖南巡撫去湖南自曾文正
公興義兵夷大難其民習戰事喜金革不畏法其地山

墓誌銘

六

川叢襍奸宄易潛匿公甫至所屬永綏益陽及岳州府
均有竊發者悉擊平之然兵餉實奇絀而水患又洊至
是歲西水大盛汎濫於上游潰長德府老隄亟籌巨貲
修築之幸是冬少雨工作不輟次年春隄成內患平外
患又作自西洋人入中國所至無與梗獨湘人力阻之
竟不得入城西人恥焉有計約輸者艤舟城外挾刃而
登湘人大閭圍之者無慮數萬人公曰是又雲南殺馬
加里之故事矣命散其眾驅計約輸出逾年計約輸又
至長沙堅請入城公命府縣至其船譬喻之乃已公遇

事不務張大而務持大體有辰州守請開礦公不可又有請於瀏陽醴陵開採銅鉛者公曰開礦一事最爲弊政鑿山川之氣脈聚無業之游民貪絲豪之利而貽無窮之憂甚勿取也嗚呼所見遠矣公之撫湘猶撫秦也乃撫秦無閒言而撫湘則言者甚眾

上命總督李公瀚章案之皆無實而言者猶以提督羅大春違制妄奏及候補道李鎬既丁憂仍從事縫局爲公罪然提督例得言事不先咨督撫督撫不知也李鎬由兩江總督劉委湘撫固不與聞

墓誌銘

一

朝廷知公實無咎乃內用公爲禮部左侍郎至則

召見於養心殿詢楚事甚詳

命至內閣看羣臣言俄羅斯事諸章奏又

命至總理衙門會議蓋眷注固未衰也明年以協濟陝甘軍

餉功

賜一品冠服調吏部左侍郎兼署戶部工部右侍郎管錢法

堂事公舊勞於外精力久衰七年冬始感疾八年春請開缺不許凡侍郎謝病慰留者甚鮮公感知遇厚不敢復言去其年戶部雲南司報銷事起農曹被逮者十餘

輩波及堂上官公謂其子曰人無欲則剛吾歷官中外無一介妄取不然吾此時能安枕乎汝曹識之九年夏偶觸熱發宿疾五月甲辰猶力疾入內至六月辛亥自知不起草遺疏并言時政數事明日遺疏聞有持躬勤慎之

諭賜祭葬如例公卒年六十七娶嚴氏故河道總督嚴公烜

次女也

封一品夫人生子二松年光緒九年進士翰林院庶吉士椿

年二品廕生刑部主事女子二刑部郎中顧紹鈞翰林

墓誌銘

人

院編修丁立鈞其壻也孫六福昇福瀛福湘福仁福燧福新孫女一十年十二月葬公於虞山北麓新阡銘曰公視學於皖皖人曰嘻我公桓桓宜總師于公視學於閩閩人曰嘻我公勤勤宜撫我民公以詞臣出使而眾望若此宜其撫秦撫鄂撫湘勸業爛然有光青史

天子曰來爾歸京師典禮爾咨黜陟爾司公以病告

溫言留之

帝眷無斁臣力奚惜如何不淑一朝易質我作銘詞勒之石千百年後尙識公之幽宅

敕授文林郎翰林院編修前提督河南學政年愚弟德
清俞樾撰

墓誌銘

九

願學堂詩存目錄

卷一

岱東萍迹草_上 詩八十三首

卷二

岱東萍迹草_中 詩一百四十六首

卷三

岱東萍迹草_下 詩一百四十五首

卷四

宣南偶吟草 詩二十七首

願學堂詩存目錄

一

卷五

洛陽典試草 詩四十七首

卷六

皖南磨盾草_一 詩一百首

卷七

皖南磨盾草_二 詩九十三首

卷八

皖南磨盾草_三 詩一百二十四首

卷九

皖南磨盾草_四 詩一百二十四首

卷十

海東棲隱草_上 詩五十首

卷十一

海東棲隱草_下 詩一百首

卷十二

日下重游草 詩八十一首

卷十三

閩南奉使草_一 詩四十八首

願學堂詩存

目錄

二

卷十四

閩南奉使草_二 詩八十四首

卷十五

閩南奉使草_三 詩七十七首

卷十六

閩南奉使草_四 詩八十九首

卷十七

冀北旋輶草 詩四十六首

卷十八

關中持節草 詩九十四首

卷十九

秦關息肩草 詩九十八首

卷二十

楚畹宦游草 詩五十九首

卷二十一

湘南內召草 詩七十三首

卷二十二

藤廳退思草 詩九十五首

願學堂詩存

目錄

三

願學堂詩存卷一

燕山邵亨豫汴生著

岱東萍迹草

上

雪中

丁酉

潔白常教俗子憎
平明奉帚墀頻仍
我身如作天邊雪
只落高山第一層

飛將軍

戊戌

刁斗無聲月滿營
將軍射虎石先驚
何妨醉尉容他日
竟使封侯負此生
羞把名齊程不識
笑看天幸衛長平

願學堂詩存

卷一

數奇只恨君生晚
逐鹿空懷楚漢爭

諸葛武侯

惆悵躬耕願未酬
誤人管樂負巢由
君臣魚水推心待
事業蛟龍抱膝謀
三顧深恩師六出
兩番流涕表千秋
南征北伐勳名外
還有遺民念故侯

郭汾陽王

百戰方成再造功
歸來富貴保初終
寺人流涕輸誠款
回紇驚心拜下風
天許英雄兼壽考
帝教兒女學癡癲
臨淮一樣稱名將
晚節還應愧見公

岳武穆

獨賴東南半壁支
英雄遭際竟如斯
小朝廷上和成日
五國城邊望斷時
冤獄真堪酬兀術
中原無復望旌旗
只憐熱血蒼宏灑
懊惱孱王尙不知

崖山

荒煙落日淚誰傾
萬里河山一葉輕
那許金甌爭水國
居然鐵鎖擁連城
樓宮闕波同幻魚
腹君臣浪有聲
到底忠魂難泯滅
濤頭千載陣雲生

題方珊瑚司馬葫裏葫圖

願學堂詩存

卷一

二

點綴藤陰一幅工
是誰依樣畫玲瓏
何須定問分明意
最好藏身是此中

獨清獨醒笑人愚
一串要舟入畫圖
惟有聰明真絕頂
不糊塗處學糊塗

連理枝

一本秀雙枝欣歌
連理辭齊眉佳伉
儷同氣古壠簾巢
宿交柯穩花開並
蒂宜歲寒冰雪裏
相約共扶持

獨秀石

豈藉他山助空青
獨立豪止留拳石
秀不讓兩峰高砥

柱思賢聖孤標勵俊髦無雙懷國士漫惜補天勞

靈隱寺

錫號重雲林苔痕曲徑青千峰環一寺萬緣湧空亭啼
鳥風前靜呼猿洞口聽捫蘿尋勝境還恐笑山靈
迷境憑僧引芒鞋曲折行青山人放眼紫竹梵聞聲泉
湧源都活峰飛佛亦驚低徊轉輪殿塵世感浮生

韜光寺

石磴盤旋上仙山飄渺登竹環三里徑雲護一堂僧極
目江潮湧殘更海日升半空人語響絕頂曲欄凭

願學堂詩存

卷一

三

除夕

光陰荏苒又逢年銀燭燒殘罷綺筵把酒壻鄉除夕夢
望雲親舍倚閭天紅樓仙迹懷蕭史白雪妍詞愧惠連
是夕新婦低頭老嫗倦一聲聲漏只催眠

秋試捷副車

己亥

嚼蠟名書淡墨融續貂還恐笑秋風昂頭仍覺龍門隔
半面終輸豹變工殘燭光銷燒尾宴闌中填寫五魁賦
炬齊輝比填副榜
則燭息黯然無色矣餘香衣染廣寒宮感懷重拭衫痕淚博浪沙
中此味同

除夕

喜得團樂聚一家此身渾忘在天涯平安已幸澆杯酒
如意常教似燭花蓬戶聲無催債急柴門人爲送詩撾
只愁今歲今宵盡惆悵年華暗裏加

哭外舅嚴公

十首之四

庚子

傳來噩信啟塵封腸斷先生漏盡鐘投箸忍看嬌女淚
回頭空憶丈人峰史編勦業無遺恨仙迹湖山悟去蹤
公自湖上春色未歸催夙駕公以三月
歸得疾不曾香待鼠姑
濃公營生曠於小蓬萊
每雨後親督種花

願學堂詩存

卷一

四

除夕

主恩不次許遷官跨馬防秋笑據牽公有河上
防秋小像風雨蛟
龍三舍避東南保障十年安棣華培植科名草叔岳質
庵公歿
後公教養遺孤以至成立後任衆効薏苡消融宦海濶
內兄圻以丙申成進士多欵賴星朋友深情知己感如公風義古猶難張康
勛河
使至得白督遣戌新置公屢遣人贈遺公
受兩江柏節相知深感之終身
自憐暮景已駸駸趁好雲山此日尋會集耆英聯舊雨
公與陳香穀張雲巢胡書農俞茗琴韓對山陳厚
甫龔聞齋劉嘉峰諸老爲九老消寒會公年居殿堂開
畫錦脫朝簪富春煙雨當時夢魏闕江湖老去心惆悵
雙眸終未復頻年差覺負園林公暮年雙
目失明

頭白何堪賦遠離相看別淚溼征衣不期永訣緣身健
方約稱觴說古稀天下還思安石出斜陽難使魯戈揮
傷心最是東流水只見人行不見歸已亥春豫東返公
臨別泣下謂侯眉
七旬當迎吾
女歸甯爾

秋試不售在宮庶黃矩卿先生房呈薦

摸索暗中尋披沙欲揀金三秋憐點額一薦感知音阮
籍窮途淚禰衡國士心高山流水外終古有牙琴

恩女殤

巽索空留去後思塵寰乍現又何之笑多儘覺啼聲少

願學堂詩存

卷一

五

花好能忘結子遲日月纔經周晬住聰明便早不祥知
兩番悔滯京門迹一度生時一死時

老將

颯爽凌煙入畫工當年結髮威從戎樽前射虎雄心在
湖上騎驢往事空百戰金瘡捫舊痛千秋銅柱記成功
似聞天念雲中守還起田間矍鑠翁

老僕

朱門幾代一青衣燕子常隨故壘飛慣說榮衰前輩事
漸疑火伴昔時稀酬恩每恨蒼顏改諫主渾忘逆耳非

莫厭舊人情性古奴星相傍最依依

老妓

回頭歡笑任年年暗裏紅顏比逝川曾有盛名花欲妬
空餘歌扇月同圓三生舊夢迷蝴蝶一曲新聲泣杜鵑
值得青衫司馬淚漫將幽恨向人傳

老儒

皓首青衫士也寒雞窗無復說鵬搏心灰已覺求名誤
肱折方知學古難及第每期兒輩早傳經儘許後人看
只愁暮景頽唐甚著述頻頻自檢觀

願學堂詩存

卷一

六

老僧

招提雲水晚山鐘行腳歸來息倦蹤回首漸忘龍象力
捫心久定絮泥蹤認來瓶鉢終身伴披到袈裟百衲縫
只向禪關參慧業敲門懶問月重重

老農

桃源歲月息塵囂霜鬢欺人手屢搔蟣蝨還愁形老態
馬牛自笑爲兒曹能占晴雨徵先識每逐雞豚說小勞
耕鑿幸逢堯舜世一生田舍樂陶陶

老漁

獨向寒江理釣綸孤舟留得白頭人煙波客享蕭閒福
雲水天餘浩蕩身半世交情盟宿鷺一生事業託纖鱗
期君莫入非熊夢到底嚴灘勝渭濱

老樵

慣踏煙雲萬象空青山人影夕陽紅擔挑古木千峰外
柯爛圍碁一局中疑有神仙途可引真看麋鹿性能通
深林甲子何須記莫把春秋問阿翁

老伶

當年一曲動公卿色藝爭傳樂部名真把悲歡憐往事

願學堂詩存

卷一

七

肯將歌舞學新聲衣冠過眼猶前日傀儡登場竟此生
天寶宮人誰共在戲闌相對有餘情

杜工部

廣廈歡顏願豈癡少陵遭際竟如斯身當骨肉流離日
生在乾坤戰伐時天許才名留後世人將史筆讀公詩
千秋惟與青蓮偶飯顆山頭句漫疑

李太白

只恐神仙亦少儔沈香亭畔想風流曾攜好句驚天闕
莫恨浮生有酒樓眼識英雄唐再造手撈明月事千秋

漫將庾鮑輕相擬人在蓬萊最上頭

文君

揮絃一曲感知音竟把當鑪換鼓琴贏得黃金偏薄倖
不堪爲賦白頭吟

几

獨坐愁無偶烏皮拂拭頻安眠沈醉後倦隱苦吟身世
有君堪倚年當老愈親知交天下滿誰是可依人

除夕

爆竹聲聲逼歲殘春光渾未到門闌雪花白掃雙階影

願學堂詩存

卷一

八

燭炬紅燒五夜寒素位不求非分福全家又喜一年安
但教留得雞鳴住還作今年物候看

唐花

辛丑

巧絕奪天工新香逗暖紅人心爭淑景花事付冬烘氣
醺春臺上聲催羯鼓中穠華開色界不解感東風

春陰

強開倦眼對簾旌更覺韶光黯淡生窗外魂銷蝴蝶影
天邊雲斷鷓鴣聲海棠院宇花如睡柳絮池塘客半醒
多少嬌紅向儂語教將好句換新晴

春晴

春痕明媚露晴霞到底天心解惜花桃杏滿園開錦障
煙雲四壁豁窗紗一鞭綠草尋芳騎幾處青帘賣酒家
院宇沈沈韶景永闌干倚徧夕陽斜

春雨

廉纖春雨響空庭微覺輕寒透半櫺笑我債如詩卷迫
是誰聲在小樓聽捲簾殘滴烏衣溼出郭遊蹤馬足停
偶向綠紗窗下立隔牆洗得數峰青

春夜

願學堂詩存

卷一

九

漏滴銅壺夜有情良宵真不負生平酒樽旖旎飛花影
絃索玲瓏擊節聲簾幙篆煙香半榻鞦韆人語月三更
還嫌春夢纏綿甚欹枕遲遲對短檠

乞牡丹不得賦詩索王菊人和

酷有憐花癖新詩幾度催如何芳訊斷未見玉人來割
愛情難忍分香願已灰不曾消受得數點惜蒼苔

愛色憐才意知君兩處難本非寒士伴留與主人看花
落詩猶在瓶空影亦單回頭歡宴日香夢繞闌干

送吳慕渠歸廣陵

二首之一

願學堂詩存

幾時相見幸相親愁指征帆話夙因送子已增臨別恨
故鄉況是未歸人燕鱸味好安貧易風月情閒賁句新
此去中流行緩緩阿儂有夢附雙輪

聞菊人筮仕奉天賦寄

文士才華國士風塵埃位置太匆匆功名似此人同情
期許何如願已空頻首衙官憐屈宋折腰斗米泣英雄
可知落拓天涯客爲讀君書眼尙紅

方期文戰聚神京萬里長風客請纓關塞極邊稀後
會詩書滿篋負前盟但期遠大官無小莫露才華世所

願學堂詩存

卷一

十

驚更囑峻嶒磨傲骨等閒漫作不平鳴

將赴歷亭書示內子

壬寅

莫言小別只旬餘家事無多合付渠每到聞雷伴慈母
還防急雨護殘書燈前夢少時開卷庭外人稀只閉廬
更有閒懷破岑寂一彎明月上窗虛

趵突泉

激薄爭三窟靈源一脈尋跳珠飛急點觸石有清音超
脫徵詩境空明悟道心蒼茫雲水外何處覓牙琴

送春

子規啼到窗前樹爲報主人春已去主人驚起望春痕
落紅滿地春何處堂堂春去不留依舊春光逐水流
風雨通宵驚客夢別離一夜長新愁楊花處處離亭綠
留贈春風惟一握恨煞黃鸝樹上啼聲聲只唱陽關曲
一路殘花襯畫輪春歸翻笑未歸人如何偏作無情事
不慣迎春慣送春連年迎春無詩

喜朱漁璜孝廉自關中至聊

故人經歲別天外忽飛來闔戶庭方靜敲門客尙猜相
逢渾夢覺乍見己心開欲問離愁苦當階鎖綠苔

願學堂詩存 卷一

七

聽說訪師門春風拭淚痕紅塵方策騎黃土已銷魂訪君
李鏡塘觀察於秦中未至間觀察病逝太華三峰削潼關九扇尊長安多

勝迹把酒待君論

晚晴

當階笑指晚霞晴夕爽人懷旣雨情一角紅留殘日落
四圍青逼斷雲行猶餘積水雕欄溼微覺新寒細葛輕
清簾疎簾還露坐停琴涼仁月初生

哭袁燮堂上舍 四首之二

回首春銓話別離齊煙梁苑正相思沈疴藥物石投水

寒士光陰鵲繞枝生本無聊悲旅迹死猶能忍待歸時
君館河南開歸道幕中病篤歸下車甫一日卒親衰子弱何堪憶雪涕重泉有
恨遺

長安幾度逐征驄十載蒼涼往事空吟到尖叉曾戰白
澆來塊壘笑顏紅有才壽竟天留憾憎達文原世忌工
一樣黃花人共瘦能容勁骨鬪秋風

立秋前一日雨

十分涼意作蕭颼一日空庭雨未收消息更先桐葉報
雨聲一滴一聲秋

願學堂詩存 卷一

七

秋林

何處秋容一幅開西風蕭瑟問林隈煙籠殘綠孤村近
霜染新紅二月猜隔葉蟬聲遊子去夕陽牛背牧童回
停車更憶今春事曾爲黃鸝載酒來

秋草

蕭蕭極目草痕平舊夢西堂尙有情一片斜陽迷古道
十分秋色弔荒城空山月落啼鳥急絕塞雲開獵馬鳴
寄語莫尋南浦去當時曾見故人行

秋蟬